

ԿՈՉՈՒՄՈՎ ՄԱՆԿԱՎԱՐԺ

ԷԼՄԻՐԱ ՔՍՊՈՅԱՆ. «ԱՆԽԱՐՀԸ ՊԱՆՈՐԸ ՄԵՐՆ Է, ԻՍԿ ԿՅԱՆՔԻ ԱՌԱՆՋԸ ՄԱՆԿԱՎԱՐԺՈՒԹՅՈՒՆ-ՈՒՍՈՒՅՉՈՒԹՅՈՒՆԸ»

Մեր գրուցակիցը Էլմիրա Քսպոյանն է, ում համար 2023-ը, եւ հատկապես հոկտեմբերի 27-ը, ամենահիշելիներից մեկն են լինելու: Ուսուցչի տոնին, ի թիվ համրապետության 10 մանկավարժների, Էլմիրա Քսպոյանը պարզեւատրվեց «Ուսուցչի ազգային մրցանակ» կրծքանշանով եւ 10 000 լարի դրամական մրցանակով: Մրցանակաբաշխությունն անցավ հանդիսավոր պայմաններում՝ Թբիլիսիի Ջ.Փալիաշվիլու անվան օպերայի եւ բալետի պետական թատրոնում: Անշուշտ, երջանկություն ու հպարտություն բերողն այստեղ այդքան կրծքանշանն ու զուսմարը չէր, որքան գնահատվելու, արժեւորվելու հոգի ջերմացնող զգացումն ու խթանը, որովհետեւ Էլմիրան մեր օրերի այն բացառիկ մանկավարժներից է, ում համար մանկական ու բոլորիս հարազատ՝ ուզում են դասատու դառնալ երազանքը, թեւ վաղուց իրականացել է, բայց շարունակում է երազանք ու ծգտում մնալ...

Էլմիրան Նինոծմինդայից է: Այստեղ ծնվել, ավարտել է տեղի թիվ 1 դպրոցն ու շարունակել աշխատել նույն դպրոցում, երբ վերադարձել է 2001 թվականին Երեւանի պետական համալսարանի բանասիրական ֆակուլտետն ավարտելուց հետո, որքան էլ գայթակղիչ լինէր ուսանողական տարիների քաղաքը՝ աշխատանքային իր առաջարկներով: Որոշ ժամանակ աշխատել է նաեւ Նինոծմինդայի թիվ 2 ռուսական դպրոցում՝ հայերենի ուսուցիչ: Ասում է, որ այստեղ ուսուցչությունը սովորական չէր: Հայերին սովորեցնել հայերեն՝ օտարալեզու դպրոցում... տարօրինակ, միաժամանակ հայահաճո գործ էր:

- 13-ամյա բեղմնավոր աշխատանքային փորձից հետո, եռամյա դադար ունեցաւ,- պատմում է Էլմիրան:- Այդ տարիներին զգում էի, որ ինչ-որ բան պակասում է, դասարկություն կար իմ հոգում. դա լեզվի, գրականության, հայագիտության, մանկավարժության, աշակերտների հետ շփման բացակայությունն էր: 2022 թվականին Վրաստանում անցկացվեց մայրենիի ուսուցիչների առարկայական քննություն, որը հանձնելուց հետո, մրցույթի արդյունքում նորից աշխատանքի անցաւ իմ հարազատ կրթօջախում: Սա ինձ համար վերածնունդ էր, քանզի վերադարձաւ իմ կենսականը՝ մանկավարժությանը, որովհետեւ այն միայն մասնագիտություն չէ, այլ կոչում, առաքելություն: Մանկավարժ լինելու համար անձը պետք է ունենա ոչ միայն համապատասխան մասնագիտական գիտելիքներ, այլեւ լինի հոգեբան, ունենա մարդկային բարձր արժանիքներ, չէ՞ որ ուսուցանում է հենց իր կերպարով: Եթե ուսուցիչը անկեղծ, անաչառ ու իսկական սիրով սիրում է յուրաքանչյուր երեխայի, ապա հովված է մանկավարժի հաջողությունը: Նա պետք է կարողանա հետաքրքրություն առաջացնել սովորողների մոտ: Հետաքրքրությունը՝ որպէս շարժառիթ, չափազանց մեծ դեր է կատարում ուսուցման գործում: Հենց դրանով կարելի է հասնել ուսման նկատմամբ դրական վերաբերմունք դաստիարակելուն եւ կրթության որակի բարձրացմանը:

Էլմիրայի հետ երկար խոսեցինք ժամանակակից ուսուցչի կերպարի մասին: Ժպտում էր՝ ի՞նչ ասել է ժամանակակից, եթե մարդկային արժեքներն անփոփոխ են: Ժամանակակից ուսուցչի փոփոխությունը միայն մոտեցման մեջ է, պնդում էր Էլմիրան:

- Նախ հասկանանք, որ խոսում ենք իսկական ուսուցչի մասին, ով ունի մեծ

աշխատունակություն, բազմակողմանի զարգացածություն ու ստեղծվող միջավայրին եւ իրավիճակներին հարմարվելու կարողություն: Աշխատելով ուսուցիչ՝ սիրում ու սիրվում ես ամենաանկեղծ սիրով: Իսկ աշխարհը պահողը սերն է, ուստի մանկավարժություն-ուսուցչությունն աշխարհի, կյանքի առանցքն է: Մեր գործի ամենամեծ պարզեւոր մեր դաստիարակած երեխաների, ապա քաղաքացիների ունեցած հաջողություններն են: Որքան նվիրված ուսուցիչներ ունենանք, նույնչափ քաղաքակրթ իրաւարկություն, բարեկեցիկ ապրելակերպ, զարգացած պետություն կունենանք:

2006 թվականից առաջօր Էլմիրան ընդգրկված է հայալեզու դպրոցների մանկավարժների վերապատրաստման գործում՝ մայրենիի, տարրական դասարանների, քաղաքացիական կրթության:

Իսկ մինչ այդ 2005-ից սկսեց աշխատել «Վրաց լեզվի տանը», որտեղ իրականացվում էին պետական լեզվի ուսուցման դասընթացներ, ապա՝ 2011 թվականից ուսուցչի իր առաքելությունը ստանձնեց նաեւ Ը.ժվանիայի անվան պետական վարչարարական դպրոցում:

- Պետական լեզվի իմացությունը չափազանց կարեւոր է: Կարծում եմ, վաղուց բոլորս հասկացել ու ծգտում ենք դեպի իմացություն: Ուստի նույն սրտացավությանը մշտապես առավելագույնս աջակցում եմ հայրենակիցներին՝ պետական լեզվի տիրապետման գործում, պետության մեջ լիարժեք ինտեգրվելուն:

Անձամբ ինձ մոտ պետական լեզվի իմացությունն ինքնաբերաբար ստացվեց: Աշխատանքի անցնելիս «Վրաց լեզվի տանը»՝ վրացերենից միայն գրաճանաչ էի, ինչպես իմ սերնդակիցներից շատերը: Աշխատավայրում, ոչ ֆորմալ կրթությամբ, շփմամբ (այստեղ հարկ եմ համարում նշել՝ ազգությամբ վրացի ղեկավար-գործընկերներն իրենց բարձր մարդկային արժանիքներով խթան հանդիսացան, որ ես ցանկանայի սովորել վրացերեն) եմ ձեռք բերել վրացերենի իմացություն: Ելնելով վերոնշյալից՝ հորդորում եմ իմ հայ հայրենակիցներին ինքնարտահայտման, ինքնահաստատման համար սովորել պետական լեզուն. քո ես-ը, քո էությունը, քո ազգային կերպարը միայն դու կարող ես ներկայացնել, քանզի ոչ մի թարգմանիչ չի գործում չէ՞ քո ազգային դիմագիծը ներկայացնել այնպես, ինչպես դու, իսկ մենք շատ բան ունենք ներակայացնելու:

Խոսեցինք նաեւ նոր՝ 2024 թվականին

ակնկալվող ու անցած տարվա ձեռքբերումներից, որից միանշանակ առանձնացավ «Ուսուցչի ազգային մրցանակը»:

- Ուսումնական տարվա սկզբին, դպրոցի տնօրինության հայտարարությամբ, տեղեկացանք Վրաստանում առաջին անգամ «Ուսուցչի ազգային մրցանակի» մասին, ծանոթացանք մրցանակի մասնակցության չափանիշներին: Գործընկերներին եւ ընկերներին հորդորով՝ Էլմիրա, տարիներ շարունակ կրթական համակարգի ամփոփ մշակ ես եղել, գուցե փորձե՞ս մասնակցել, մանրակրկիտ ուսումնասիրեցինք չափանիշները՝ 12-ից 11-ն իրականացրել էի: Համապատասխան թղթերը պատրաստվեցին, եւ դպրոցի տնօրինությունը ներկայացրեց տվյալներս: Մրցանակաբաշխությունից 1 շաբաթ առաջ, որպէս պատվավոր հյուր, ստացա հրավեր, անգամ եթե չստանայի մրցանակը, այդ հրավերն էլ արդեն գնահատական էր. իմ գործունեության փոքրիկ պատմությունն արժանացել էր ուշադրության: Երեւի բոլոր մրցանակ ստացողները կհասկանան այդ պահի զգացողությունները. հուզմունք, ուրախություն, միաժամանակ՝ շնորհակալության զգացում:

- Երբ արժանացա այս պատվավոր մրցանակին, մեկ անգամ եւս հաստատվեց վերը նշված այն պարզ ճշմարտությունը, որ իր գործին նվիրված ուսուցիչը գնահատվում է, եւ իրավունք չի վերապահվում կանգ առնել. պարտավորություններ ու պատասխանատվություն ու պլելի են մեծանում աշակերտի, ծնողի, գործընկերների, համայնքի, պետության առջեւ: Այս մրցանակը համարում եմ իմ դպրոցին, իմ աշակերտներին, հայերենի իմ բոլոր գործընկերներին՝ Վրաստանի յուրաքանչյուր ծագում: Օգտվելով հնարավորությունից՝ երախտագիտությունս եմ հայտնում Վրաստանի կրթության գիտության, մշակույթի եւ սպորտի նախարարությանը, մրցատյանի անդամներին, Նինոծմինդայի թիվ 1 դպրոցին:

Էլմիրան շարունակում էր շնորհակալ լինել շատերին՝ իր արժանի մրցանակը փորձում կիսել յուրաքանչյուրի հետ, նաեւ կիսվում նյութական մրցանակը ուսումնական ծրագրերին օգտագործելու իր նպատակների մասին, երբ ընդհատեցի՝ գործ, գործ... լավ, բա՞ ընտանիքը... մանավանդ, որ Ամանոր է՝ ընտանիքի միասնության ամենախորհրդանշողը:

- Հիրավի, Ամանորն ու Սուրբ Ծնունդը առանձնահատուկ խորհուրդ ունեն: Այդ խորհուրդը պայմանավորված է լուսավոր ապա-



գայի հույսով ու հավատով, հավատարմության ու ներողամտության գիտակցումով, ընտանիքի ու հայրենիքի հանդեպ ունեցած սիրով եւ պատասխանատվությամբ:

- Տանն ապրում ենք ես, մայրս, տատիկս: Քույրս նույնպես մանկավարժ է՝ անգլերենի մասնագետ, ապրում է Երեւանում: Հայրս մասնագիտությամբ փիլիսոփա էր, բացառիկ զարգացած ու գրասեր մարդ, երկար տարիներ աշխատել էր Ներքին գործերի նախարարության Նինոծմինդայի բաժանմունքում՝ փոխստիկանապետ, փոխգնդապետի կոչումով, - պատմում է Էլմիրան:- Վրաստանի տարածքային ամբողջականության համար մղվող պատերազմի մասնակից-վետերան էր: Մայրս հայոց լեզվի եւ գրականության վաստակաշատ ուսուցիչ է, մայրենիի նվիրյալ, ով երկար տարիներ աշխատել է Նինոծմինդայի թիվ 1 հանրային դպրոցում:

- Այս տարի մեր Մեծերի հոբելյանական տարեթվեր ունենք, այդ թվում՝ Շառլ Ազնավուրի 100-ամյակը, պատրաստվում ենք նաեւ Նինոծմինդայում... 2023-ը մեր հարազատ Վրաստանի համար ձեռքբերումների տարի էր, ցավոք, կորուստ գրանցեց մեր պատմական հայրենիք Հայաստանը: Թող 2024-ը հուսալի եւ կայուն լինի մեզանից յուրաքանչյուրի համար, որպէսզի երազանքներն ու նպատակները գտնեն իրենց մարմնավորումը: Թող այն մեր երկրների ու ժողովրդի համար լինի խաղաղության, ձեռքբերումների ու առաջընթացի տարի եւ ամենուր ջերմություն, սեր ու համերաշխություն տիրի:

Պարզից էլ պարզ էր. Էլմիրայի մարդ, մանկավարժ տեսակի լավագույն բնութագիրը Ավետիք Իսահակյանի խոսքը կարող էր դառնալ. «Յուրաքանչյուր գրագետ մարդ պարտական է ուսուցչին: Հզոր է այն ազգը, որն ունի լավագույն ուսուցչություն: Ծնողները երեխային տալիս են մարմին, իսկ ուսուցիչը՝ հոգի, բարի կամք եւ բարձրագույն իդեալներ»...

ԳԱՅԱՆԵ ԲՈՍՏԱՆՋՅԱՆ

ԲԱՐԵԳՈՐԾ



ԻՐ ԳՅՈՒՂՈՎ, ԻՐ ՀԱՅՐԵՆԻՔՈՎ ՀՊԱՐՏ ԱՐՄԵՆ ՄԱՆԱՄՅԱՆԸ

Արմեն Սանամյան. մարդ, որի մասին շատ հաճելի է պատմել, նման երիտասարդի քայլերը իմաստով շատ բանի մասին են պատմում ու խոսում:

Շատերի նման նա էլ ապրելով հայրենիքից դուրս, միշտ կարոտել է հայրենի հողը, հայրական տունը, հարազատ Հեշտիա գյուղը՝ հպարտ իր գյուղով, իր հայրենիքով...

Կարոտով լեցուն, երբ տուն դարձավ, որոշեց մի մեծ գործ անել գյուղին: Հին գերեզմանատանը լույս ու ջուր էր պետք, ասաց ու արեց...

Գյուղի մուտքի մոտ աղբաճուղ դարձած մի հողակտոր կար, տխուր պատկեր էր, ամենուր մարդիկ ծգտում, շենացնում էին իրենց շեները, իսկ այստեղ պատկերը տակավին այլ բան էր ասում:

Որոշեց մաքրել, քանի որ սրբավայր էր նաեւ՝ որպէս ծնող կորցրած զավակի համար:

Ու երբ հարդարվեց տեղանքը, նա խաչ պատվիրեց սուրբ ու զորավոր, չանցած մեկ ամիս՝ խաչը պատրաստ էր, այն վեր խոյացավ գյուղի մուտքի մոտ:

Խաչը բացվեց մեծ արարողությամբ: Այսօր այստեղ մենք մոմեր ենք վառում ու միշտ օրինում ծնունդդ, սիրելի Արմեն: Խաչը՝ բոլորին հովանի կանգնած, բարին է մաղթում ու ոչ միայն տեղի բնակիչներին ու մեր Վրաստան երկրին, այլեւ համայն մարդկությանը:

ԼԱՆԱՋԱՐ ԱՐՈՅԱՆ

Նինոծմինդայի մունիցիպալիտետի Հեշտիայի թիվ 2 հանրային դպրոցի տնօրեն



ՀԱՅԱՍՏԱՆ. Փառքեր, իրադարձություններ

«ՎՐԱՍՏԱՆԻ», ԱՐՄԵՆՊՐԵՍԻ, ՊԱՆԱՐՄԵՆԻԱՆԻ ՆՅՈՒԹԵՐՈՎ

ՆԻԿՈՒ ՓԱՇԻՆՅԱՆ. «2024-Ը ՊԵՏՈՒԹՅԱՆ ԵՎ ՊԵՏԱԿԱՆ ԸՄԲՈՆՄԱՆ ԽՈՐՀՐԴԱՆԻՇ Է ԴԱՌՆԱԼՈՒ ՄԵՋ ՀԱՄԱՐ»



ՀԱՅԱՍՏԱՆԻ ՎԱՐՉԱՊԵՏԻ ԱՄԱՆՈՐՅԱ ԵՎ ՍՈՒՐԲ ՇՆՆՊՅԱՆ ՈՒՂԵՐՁԻ

Հայաստանի վարչապետ Նիկոլ Փաշինյանը շնորհավորական ուղերձ է հղել՝ Ամանորի եւ Սուրբ Ծննդյան տոների առիթով: Ուղերձում, մասնավորապես, ասված է.

- Որպես Հայաստանի Հանրապետության վարչապետ 6-րդ անգամ եմ Ամանորյա ուղերձով դիմում ձեզ: Եվ միասին անցած մեր այս ճանապարհին՝ հետհայացքը ցավի, ավստանքի, բայց եւ հպարտության զգացումներ է հարուցում: Ցավի եւ ավստանքի մասին շատ ենք խոսել եւ խոսում, բայց Ամանորյա այս երեկոյին ուզում եմ իմ խոնարհումն ու հպարտությունն արտահայտել բոլորիդ եւ յուրաքանչյուրիդ հասցեին, որ, անտանելի բեռներ ունենալով մեր ուսերին, կարողացանք ու կարողանում ենք մեր պետությունը՝ Հայաստանի Հանրապետությունը, տանել անկախության ու ինքնիշխանության ամրապնդման բարդագույն ճանապարհով:

Այս ճանապարհի մեծ մասն անցել ենք, բայց առջեւում մեր փորձություններից ու դժվարություններից ապահովագրված չենք եւ մեզ հարկավոր է չսասանվել, չերկմտել՝ անկախ պետություն ունենալու եւ այդ պետությունը մեր սերունդներին ժառանգելու մեր վճռակա մտայնության մեջ:

Նաեւ ուզում եմ ներողություն խնդրել բոլորիցդ եւ յուրաքանչյուրիցդ, Հայաստանի Հանրապետության բոլոր քաղաքացիներից, Լեռնային Ղարաբաղից փախստական դարձած մեր բոլոր քույրերից ու եղբայրներից այն ցավի համար, որ վերջին տարիներին ապրել եք:

Բայց այս զգացումը որեւէ կերպ չի կարող սասանել պետության ղեկավարի իմ պարտքը, որից բխում է, որ իմ բոլոր որոշումներն ու գործողությունները պետք է բխեն Հայաստանի Հանրապետության պետական շահից:

Պետության ղեկավարի պարտքից է բխում, որ անհոգնել ու անընդհատ կրկնել, որ մենք շատ բաներ պետք է ավելի ու ամբողջական հասկանանք, շատ բաներ պետք է նայենք ու վերանայենք՝ անշրջելիորեն հասկանալու համար, որ հայրենիքը պետությունն է: Սա է Հայաստանի Հանրապետության պետական շահը: Այն ուղենիշն ու առաջնորդող պետք է լինի բոլորիս համար եւ համոզված եմ՝ 2024 թվականը՝ այդ ջերմեռանդ պատանին, պետության ու պետական ընթերցման խորհրդանիշ է դառնալու մեզ համար:

«ԲԱՐԻ, ՕՐՀՆՅԱԼ ՆՈՐ ՏԱՐԻ»

Ն.Ա.Օ.Տ.Տ. ՎԱՐԵԳԻՆ Բ ԱՄԵՆԱՅՆ ՀԱՅՈՑ ԿԱԹՈՂԻԿՈՍԻ ԱՄԵՆԱՅՆ ՈՒՂԵՐՁԻ

(Սկիզբը՝ 1-ին էջում)

բայց չի հանձնվել, ցեղասպանվել է, բայց չի կործանվել, սրատվել է, բայց չի մահացել: Արդարեւ, չի կարող ընդհատվել պատմությունը մի ժողովրդի, որի տարեգրությունը զարդարված է աստվածաշնչության եւ հայրենասիրության հրաշալի վկայություններով, ապրելու եւ արարելու անընդմիջելի տենչանքով: Փորձությունները հաճախ են պատահում ժողովուրդների կյանքում, սակայն դժվարին իրավիճակներից հաղթանակած են դուրս գալիս այն ազգերը, որոնք անկույտ են մնում ոգով ու առ Աստված հավատքով եւ արիաբար դիմակայում են:

ղություններին ու մարտահրավերներին:

Արդ, սիրելիներ, մեր տարուն մորոգվեմք հոգով ու մտքով, գործանք հույսով, ինքնաքննության մեղադրանքներ մեր ընթացքին ու գործերին, սրբագրենք թերացումներն ու սայթաքումները, թույլ չտանք, որ ազգային կյանքում սերմանվի ատելություն ու պառակտում, արմատավորվի կործանարար հարմարվողականությունն ու անտարբերությունը: Ապրենք՝ հավատքով զարդարուն կյանքով, միմյանց համոզելով աստվածապատվեր սիրով, որպեսզի զգանք Աստծո շնորհաբեր ներկայությունը մեզանում: Միասնական լինենք Հայաստանում ու սփյուռքում եւ մեր համախումբ ջանքերը ծառայեցնենք՝ հանուն համազգային շահերի պաշտպանության, հայրենյաց ու ազգի կյանքի մեր արշալույսի կերտման: Գիտակցենք, որ հայրենիքը այն միակ սրբազան վայրն է, որտեղ ամբարված են բոլոր ժամանակների հայ սերունդների աղոթքներն ու երազները, որտեղ շարունակ պիտի կերտվի հայոց ինքնությունը, եւ որի սրբազան հողից է հավետ ուժ առնելու հայ ժողովուրդը: Հոգածու սիրով շրջապատենք Արցախից բռնի տեղահանված մեր քույրերին ու եղբայրներին, նրանց մեջ առատացնենք հույսը, որ երբեք չմարի հայրենի Արցախ վերադարձի տեսիլը...

Բարի, օրհնյալ Նոր տարի:

ՍՓՅՈՒՌԹԻ ՀԱՆՁՆԱԿԱՏԱՐՆԵՐԻ ԻՆՍՏԻՏՈՒՏՆ ԸՆԴԱՅՆՎՈՒՄ Է



Հայաստանի սփյուռքի գլխավոր հանձնակատար Ջարեհ Սինանյանի խոսքով, ընթացիկ տարում նկատելի աշխատանք է կատարվելու Սփյուռքի հանձնակատարների ինստիտուտի ձեւավորման ուղղությամբ եւ այս տարի արդեն սկսվելու են տեղերում՝ տարբեր երկրներում, քաղաքներում, որտեղ կա ձեւավորված հայ համայնք, Սփյուռքի հանձնակատարների մեծ թվով եւ արագ նշանակումներ:

- Վերջին երկու տարիների ընթացքում, հիմնականում, բացատրական աշխատանքներ ենք տարել համայնքներում պարզաբանելու, թե ինչ է իրենից ներկայացնում հանձնակատարների ինստիտուտը: 2023 թվականից սկսեցինք հանձնակատարի նշանակումները՝ առաջինը ՀՀ վարչապետի կողմից նշանակվեց Լեւոն Սարգսյանը: Առաջինը կլինեն նշանակումներ: Ունենք նաեւ մեծ ցուցակ, որը եւս դիտարկվում է: Ցուցակում ընդգրկված անձանց հետ եւս աշխատանք է տարվելու, եւ երբ պահը հասունանա՝ դիմելու ենք վարչապետին՝ նշանակման համար,- ասաց Ջարեհ Սինանյանը՝ ավելացնելով, որ հանձնակատարներն արտահաստիքային պաշտոններ են:

Ընդհանուր հանձնակատարների քանակը կախված է լինելու տեղերում հայերի թվաքանակի, ժողովրդագրական խտությունից: Որոշ երկրներում կլինեն շատ հանձնակատարներ, որոշ տեղերում՝ քիչ: Այն երկրներում, որտեղ համայնքը փոքր է եւ կենտրոնացած մի տեղում, բազմաթիվ հանձնակատարների կարիքը չի լինի: Այն երկրներում, որտեղ քաղաքից քաղաք կան հայ համայնքներ, բնական է, որ մի քանի հանձնակատարներ կնշանակվեն:

2023 ԹՎԱԿԱՆԻ ՄՐՑԱՇՐՋԱՆԻ ԱՄՓՈՓՈՒՄԸ

Մրցաշրջան 2023-ն անհաջող չէր Հայաստանը ներկայացնող մարզիկների համար: Թեպետ այդպես էլ աշխարհի չեմպիոն չունեցանք այս տարի, սակայն այս մրցաշրջանը լավ սկիզբ էր ամենակարեւոր մարզական իրադարձությունից՝ Փարիզի ամառային Օլիմպիական խաղերից առաջ:

Հայաստանն իրավունք ստացավ հյուրընկալելու 2027 թվականի մարմնամարզության Եվրոպայի առաջնությունը:

Մարմնամարզիկ Արթուր Ավետիսյանը դարձավ աշխարհի գավաթի առաջին փուլի բրոնզե մեդալակիր, մարմնամարզիկ Գագիկ Խաչիկյանը՝ արծաթե մեդալակիր, իսկ Արթուր Դավթյանը՝ ոսկե մեդալակիր:

Մարմնամարզիկ Արթուր Դավթյանը, աշխարհի գավաթի խաղարկությունում, նվաճեց երկրորդ անընդմեջ ոսկե մեդալը:

Հրաձիգ Էլմիրա Կարապետյանը դարձավ Եվրոպա-

յի առաջնության բրոնզե մեդալակիր:

Մարմնամարզիկ Համլետ Մանուկյանը դարձավ աշխարհի երիտասարդների առաջնության կրկնակի ոսկե մեդալակիր (օղակներ, մծույգ-թափեր), իսկ Մամիկոն Խաչատրյանը՝ արծաթե մեդալակիր (մծույգ-թափեր):

Ըմբիշ Վազգեն Թեւանյանը դարձավ Եվրոպայի չեմպիոն, իսկ Արսեն Հարությունը՝ ԵԱ-ի եռակի ոսկե մեդալակիր: Արթուր Ալեքսանյանը դարձավ Եվրոպայի առաջնության 6-ակի չեմպիոն, Մալխաս Ամոյանը՝ կրկնակի չեմպիոն: Հրաչյա Պողոսյանը բրոնզե մեդալ նվա-

ճեց այս առաջնությունում:

Երեւանը հյուրընկալեց ծանրամարտի Եվրոպայի մեծահասակների առաջնությունը: Ոսկե մեդալակիր դարձան Գոռ Սահակյանը, Դավիթ Հովհաննիսյանը, Գարիկ Կարապետյանը, Սամվել Գասպարյանը:

Երեւանում կայացավ բռնցքամարտի Եվրոպայի երիտասարդների առաջնությունը, որտեղ Հայաստանը նվաճեց մեկ ոսկե, երկու արծաթե եւ 9 բրոնզե մեդալ:

Կայացան Եվրոպական ամառային խաղերը, որտեղ Հայաստանը նվաճեց 3 մեդալ:

Հայաստանը մեծաքանակ պատվիրակությամբ մասնակցեց ԱՊՀ խաղերին: Թիմը նվաճեց 7 մեդալ:

Երեւանում կայացավ սամբոյի աշխարհի առաջնությունը, որտեղ Հայաստանը նվաճեց 10 մեդալ՝ 5 արծաթ, 5 բրոնզ:

ԱՃՏՈՒՇԵՆԱԵՐԻ ՆՈՐ ՀԱՄԱՐԱՆԵՐԸ՝ ԸՆԿՏՐՈՆԱՅԻՆ ԱՃՈՐՈՂ

Հայաստանում ավարտվեցին մեր համարանիշերը կվաճառվեն էլեկտրոնային աճուրդով: Ինչպես հայտարարեց Հայաստանի վարչապետ Նիկոլ Փաշինյանը, այս պահից սկսած պետք է մարդկանց պատշաճ ծանուցել, որ եթե քաղաքացին ուզում է բազմաթիվ գրոներով համարանիշեր ունենալ, ուրեմն, պետք է էլեկտրոնային հարթակի միջոցով եւ աճուրդին մասնակցել անկանխիկ եղանակով: Աճուրդը կլինի բացառապես էլեկտրոնային: Որոշումն ուժի մեջ կմտնի 2024թ. փետրվարի 1-ից:

2023-Ը ՆԵՄԵԱՎՈՐՎԵՑ

ԸՆԿՈՐՊՈՒՅԻՆ ԹՎՈՂ

ՁԵՐՈՍՏԵՐԶԻԿՆԵՐԻ ԱՅՅԵՐՈՂ

2023 թվականին Հայաստան է ժամանել ռեկորդային թվով՝ 2 մլն 300 հազար զբոսաշրջիկ: Հայաստանի Էկոնոմիկայի նախարարության զբոսաշրջության կոմիտեի տվյալներով՝ անցյալ տարի Հայաստանն ունեցել է 2 մլն 300 հազար զբոսաշրջիկ, դա մոտ 20 տոկոսով ավելի է 2019 թվականի համեմատ եւ մոտ 39 տոկոսով՝ 2022-ի համեմատ: Ձբոսաշրջիկների 50 տոկոսը եկել է Ռուսաստանից, երկրորդ եւ երրորդ տեղերում են Վրաստանն ու Իրանը: Այնուհետեւ շարք են եկել սփյուռքահայեր ԱՄՆ-ից: Կոմիտեի տվյալներով, բավական մեծ է զբոսաշրջիկների թիվը Հնդկաստանից, զալիս են Դուբայից, Գերմանիայից, Ֆրանսիայից, որոնք շարունակում են լինել կարեւոր թիրախային շուկաներ: Առաջին տասնյակում է նաեւ Հինաստանը:

ԲՈՒՐ ԿԵՆՍԱԹՈՇԱԿԱՌՈՒՄԵՐԸ

ԿՕՏՎԵՆ ՏԱՐԵ ՏՈՒՄ ՀԵՏՎԱՐ

ՇՐԱՐԻՑ

Հայաստանի կառավարությունը որոշում է ընդունել, որի համաձայն՝ անկանխիկ գործարքներից, կենսաթոշակի եւ նպաստի 10 տոկոս հեղուկաչարի ծրագրից, կկարողանան օգտվել բոլոր կենսաթոշակառուներն ու նպաստառուները՝ անկախ նրանից, թե ո՞ր բանկերից են ստանում իրենց գումարը: Հիշեցնենք, որ նախկինում հեղուկաչարը չեւավորվում էր 5 տոկոս բանկի եւ 5 տոկոս պետության մասնակցությամբ. այսուհետ ամբողջ 10 տոկոս հեղուկաչար կկրամադրի պետությունը՝ կատարած գործարքների համրագումարի 10 տոկոսի չափով, բայց ոչ ավելի, քան 5.000 դրամը:

ԽՈՒՆ - 21.03-20.04



Տարին կարելու է ձեր անհատականության ձեռնարկում ամռանը: Դուք ձեռք կբերեք վստահություն ձեր ուժերի համոզման, կընդունեք ինքնուրույն որոշումներ՝ ոչ մեկից կախում չունենալով:

Վերագտեք սեփական «եսը», ժամանակն է վստահ ձեռնարկել, թե ո՞վ եք, ո՞ւր եք գնում, ինչի՞ եք ձգտում կյանքում: Հիմա շատ կարելու է կողակցի հետ համերաշխ հարաբերությունների պահպանումը: Եթե դեռ միայնակ եք, կտրվի կյանքի կեսին գտնելու շանս: Առաջընթաց կունենաք կարիերայում: Անկախ աշխատանքի պրոցեսում ծագող բարդություններին՝ ֆինանսները կմնան բավարարող:

Առողջության առումով՝ ջանացեք չծանրաբեռնվել, խուսափել ցրտից, պահպանել անվճար սննդակարգ, հրաժարվել ալկոհոլից, վերահսկել օրգանիզմում ջրի պարունակությունը: Նաե՛լ՝ հետեւել հուզական հավասարակշռությանը:

ՑՈՒԼ - 21.04-20.05



Այս տարի կունենաք ինքնառեալիզացման հնարավորություններ: Կորստերեք ձեր լավագույն հատկանիշները: Կդառնաք ավելի ուժեղ եւ կօգնեք ձեր կարիքը զգացողներին: Ցուլից պահանջվում է մեծ ուշադրություն առանձնացնել հոգեւոր կյանքին. թույլ չտաք, որ առօրյան իշխի ձեզ վրա: Կարիերայի փոփոխություններ սպասեք գարնանը:

Ժամանակն է՝ զբաղվել հոգեւոր զարգացմամբ, փարատել ներաշխարհի վախերը, զբաղվել աղոթքով: Խուսափեք մեկուսացումից: Անձնական աշխարհում սպասվում են հիասթափություններ: Կա՛մ անցյալից ինչ-որ մեկի հետ հանդիպման եւ ռոմանտիկ շփումների հավանականություն: Բնակարանի վերանորոգմամբ զբաղվեք աշնանը: Կարիերայում հնարավոր է, որ ձգտեք աշխատանքի փոփոխության, այդ հարցում սպասվում է հաջողություն: Ֆինանսականը կամրապնդվի եւ կաճի ամռանից:

Առողջության պլանում ջանացեք չծանրաբեռնվել, հետեւեք սննդակարգին, պահպանեք ֆիզիկական չափավոր ակտիվություն:

ԵՐԿՈՐՅԱԿՆԵՐ - 21.05-21.06



Տարին կբերի հետաքրքիր հանդիպումներ ու մարդկային ջերմություն: Ձեռք կբերեք նոր համախոհներ, կվերանորոգեք շփումները հին ընկերների հետ: Ձգտեք ամենավերական երազանքներին: Հիմա ձեզ տրված է դրանց իրականացման ժամանակը:

Այս տարի Սերը իր տեղը կգիշի ընկերությանը: Առաջնային կդառնան ոչ թե ռոմանտիկ զգացմունքները, այլ ճշմարիտ, հոգեւոր մոտիկությունը, ընդհանուր գործին տրվելը. միայն այդ կերպ ձեր հարաբերությունները կլինեն երջանիկ: Խուսափեք ընտանիքի ավագ սերնդի հետ կոնֆլիկտներից:

Կարիերան պահանջում է անդուլ աշխատանք: Ցանկալի արդյունքը կստանաք միայն համբերությամբ: Ֆինանսների հարցում ճակատագիրը կտա այն ամենը, ինչ հիմա անհրաժեշտ է ձեզ: Որքան քիչ մտածեք փողի մասին, այնքան ավելի հեշտ կստանաք այն:

Առողջական հարցում հետեւեք սննդակարգին եւ հուզական վիճակին. խուսափեք նեգատիվ հույզերից:



ԽԵՑՊԵՏԻՆ - 22.06-22.07

Ձեր գլխավոր անելիքը այս տարի էլ մնում է նույնը՝ լուրջ ալիքների հոսանքի

ԿԱՆԽԱԳՈՒՇԱԿՈՒՄՆԵՐ ԵՎ ՓՈՒՇԱԿՈՒՄՆԵՐ 2024

ուղղությամբ: Կարիերայում ամրապնդեք ձեր դիրքերն ու, այդ անելով հանդերձ, մնացեք համեստ: Ձեր կողքին կհայտնվեն նոր, լուսավոր մարդիկ:

Կարող եմ բարդություններ ստեղծվել հարազատների հետ հարաբերություններում. նման հանգամանքներում պահպանեք հանգստություն:

Անձնական կյանքում հիմա ոչինչ ենթակա չէ ձեր վերահսկողությանը: Լավագույն միջոցը այժմ Իվան-հիմարիկի դիրքորոշումն է. ողջունեք ամեն նորը, բայց չփորձեք ինքնահաստատման: Ձեզ անհրաժեշտը կստանաք պայմանով, որ շատ չձգտեք դրա իրականացմանը:

Կողակցի հետ հարաբերություններում ամեն ինչ խաղաղ է: Եթե դեռ միայնակ եք, ունեք անձնական կյանքը փոխելու հավանականություն: Կարիերայում սպասվում են հաջողություններ: Առողջական պլանում՝ ջանացեք զգուշանալ ցրտից, հաճախ զբոսնեք, հրաժարվեք ծխելուց:

ԱՄՅՈՒԾ - 22.07-22.08



Ձեզ սպասվում է կարիերայի աճ, հնարավոր է՝ ստանաք աշխատանքի շահավետ առաջարկ: Ֆինանսական խնդիրները կլուծվեն: Հեռու մնացեք ավելորդ ծախսերից: Այս տարի կարող եք փոխել ձեր բնակավայրը, տեղափոխվել հեռավոր երկիր: Կարիերայի ճանապարհին կհասնեք՝ ձեր կյանքը որակապես փոխող հաղթանակների: Երիտասարդ առնչություններն ունեն իրենց երազած աշխատանքը գտնելու հեռանկար:

Ժամանակն է վերանայել սեփական համոզմունքները, նույնիսկ՝ կրոնական հայացքները: Հեռավոր ուղեւորությունը կշրջի ձեր ողջ կյանքը: Հրաժարվեք ձեռնակա կապերից:

Կողակցի հետ հարաբերություններում փոփոխությունները կապված են արտաքին փաստերի հետ. ջանացեք պահպանել ջերմություն:

Առողջությունը կարող է զգացնել տալ՝ վերին շնչառական ուղիների բորբոքումների, վահանագեղձի խնդիրներով:

ԿՈՒՅՍ - 23.08-22.09



2024-ը կլինի բարդ տարի: Ձեզ կթվա, որ ձեր գլխին թափվում է անհաջողությունների տարափ: Ցանացեք իրականությանը վերաբերել օբյեկտիվ, խորհրդակցեք մտերիմների հետ: Ֆինանսական դժվարությունները կլուծվեն՝ մասնագիտության ոլորտում ունեցած անսպասելի հաջողություններով:

Հիմա Կույսը կգիտակցի, որ պետք է հենվել սեփական հոգեւոր ուժերին ու ապրել այսօրով: Կբարդանան կողակցի հետ հարաբերությունները: Եթե կարողանաք այդ բարդ շրջանը համատեղ հաղթահարել, ամեն ինչ կբարելավվի: Փորձեք սեփական գիտելիքները փոխանցել ձեր կյանքի ճանապարհին հանդիպած երիտասարդներին: Հիմա ձեր ուրախությունը աշխատանքից ստացած բարոյական բավարարվածությունն է, իսկ նյութականը՝ բավարարվեք եղածով: Ու հիշեք, որ կգան ավելի լուսավոր օրեր:

Առողջությունը կարող է անհանգստացնել գլխացավերի, բարձր ճնշման դրսևորումներով: Փորձեք վերականգնել ներքին խաղաղությունը:



ԿՇԵՈՔ - 23.09-22.10

Տարին կլինի ոչ սովորական: Պահանջվում է մի կողմ դնել անհատապաշտություն-

ը, համագործակցել, շրջապատի հետ: Խնդիրների լուծմանը կօգնեն մեղվաջան ու համառ աշխատանքը՝ սեփական անձի հետ: Հաջողության մեծ շանսեր կընձեռվեն անձնական կյանքում՝ պայմանով, որ ստանձնեք ընտանեկան խնդիրների պատասխանատվությունը: Ֆինանսները կայուն են: Ձեր տարվա թեման լինելու է ավելորդ էգոիզմից ազատվելը: Եթե դեռ ամուսնացած չեք, ունեք ամուսնանալու շանս. մի՛ վախեցեք, որ դրանով կարող եք կորցնել ձեր ազատությունը: Հակառակը՝ համատեղ կյանքը ձեզ հոգեպես կամրապնդի: Կարիերայում խուսափեք որեւէ նախաձեռնությունից, դա հիմա կբերի միայն անհաջողություն:

Առողջական վիճակը որոշակիորեն կախված է ընդհանուր հոգեվիճակից: Խուսափեք սթրեսներից, իսկ եթե ծագեն խնդիրներ՝ հետազոտվեք:

ԿԱՐԻՑ - 23.10-21.11



2024-ը կմվի ջանադիր աշխատանքին: Համարձակորեն զբաղվեք բոլոր խնդիրներով, դա նույնիսկ այն դեպքում, եթե ձեզ թվա, որ չեք կարող գլուխ հանել գործից: Անձնական կյանքում ամեն ինչ հիանալի է, իսկ գործընկերների հետ փոխհարաբերությունները պահանջում են զգուշություն. ի դեպ, հարվածը կարող է գալ մերձավորներից:

Ողջ տարում չեք ունենա ազատ թռիչք: Դա միանգամայն նորմալ է. ձեր խնդիրը հիմա այն է, որ սովորեք կատարել գործը ու՝ դա անել կենտրոնացված:

Երբեմն հնարավոր է տրամադրության անկում, ինչը կհաղթահարեք շրջապատի հետ շփումով:

Ով փնտրում է իր կեսին, կունենա լիարժեք հաջողություն, կհանդիպի փնտրածին: Ձուզընկերը ձեզ համար կդառնա ուսուցիչ ու հենարան: Բացառված չէ, որ ստանաք ժառանգություն:

Ֆինանսական վիճակը տանելի է. հաջողությամբ կփակվեն պարտքերը: Առողջության հարցում՝ ամրապնդեք օրգանիզմը, սահմանեք կանոնավոր սննդակարգ, ֆիզիկական ակտիվություն:

ԱՂԵՂՆԱՎՈՐ - 22.11-21.12



Աղեղնավորի համար տարին հազեցած է արվեստով: Ու դա նրան կմղի՝ բացելու ունեցած բոլոր տաղանդները: Դրա համար կգտնվեն ե՛լ անհրաժեշտ ժամանակ, ե՛լ ուժեր: Ու արդյունքը կլինի բավարարվածության զգացումը:

Սա ձեզ համար նաեւ սիրո, ռոմանտիկայի եւ հրապույրների տարի է: Կարիերայում կլինեն որոշ բարդություններ, բայց դա չի խանգարի ֆինանսների կայունությանը:

Տարին կբերի՝ վաղուց երազած գործով զբաղվելու ուրախություն: Ինչ-որ մեկի համար դա երաժշտությունն է, գեղանկարչությունը, պարը, ձեռագործությունը, մյուսի համար՝ սիրած մարզաձեւը:

Ճակատագրական հանդիպումը երկրորդ կեսի հետ սպասվում է գարնանը: Ձեր ընտանիքում կբազավորի հավատարմությունը: Աղեղնավորից պահանջվում է՝ հոգացողություն ծնողների մասին:

Ընդհանուր առմամբ՝ առողջական վիճակը կայուն է: Օգտակար կլինեն բացօթյա զբոսանքները, անցումը ճիշտ կերակրացանկի:



ԱՅԾԵՂՅՈՒՐ - 22.12-19.01

2024 թվականին առաջնահերթ կդառնան ընտանե-

կան գործերը եւ բնակարանի պայմանների բարելավումը: Բավական բարձր է Այծեղջյուրի ստեղծագործական նոր պոտենցիալը, փոխարենը անկում է նկատվում կարիերայում: Դժվարանում է ղեկավարության հետ ընդհանուր լեզու գտնելը: Փոխարենը, շնորհիվ աշխատանքային փորձի, աշխատանքում կստեղծվի հաջողության հասնելու շանս:

Տարին բարենպաստ է բնակարանի վերանորոգման համար:

Անձնական կյանքի ուղղությամբ խորհուրդ չի տրվում ակտիվության ցուցաբերում. հիմա խելամիտը ճակատագրին վստահելն է: Իսկ նա, ով արդեն հանդիպել է իր կեսին, թող կարողանա սովորել՝ ընդունել նրան այնպիսին, ինչպիսին նա կա: Եվ գլխավորը՝ տան գաղտնիքները դուրս չհանել:

Չամուսնացածներին տարին խոստանում է ճակատագրական հանդիպում:

Կարիերայում խորհուրդ չի տրվում նախաձեռնություններ. դեռ ավարտեք անցյալ տարվա գործերը: Առողջական հարթակում կարող եմ ծագել լյարդի, հենաշարժողական ապարատի խնդիրներ: Օգտակար կլինեն մերսումները:

ՋՐՅՈՍ - 20.01-19.02



Որպեսզի հիմա Ջրիոսը կանգնի պոզիտիվ փոփոխությունների շեմին, պետք է հրաժարվի հնացած դոգմաներից, ինչի արդյունքում կարող է դառնալ ավելի հաջողակ:

Ուզում եք փոխել աշխա՞րհը՝ սկսեք ձեզանից: Փորձեք փյունիկ թռչունի նման այրվել ու նորից հառնել մոխիրներից: Ընդհանրապես անհավանական է, որ ստանաք ճակատագրի բերածը: Անձնական կյանքում պահանջվում է կողակցի կարծիքը հարգելը եւ՝ փոխըմբռնում պահպանելը:

Ամուրիներին տարին կբերի ռոմանտիկ ծանոթությունների շանսեր: Եթե այդ հարաբերությունները ստանան լուրջ բնույթ, դա համարեք ճակատագրի անակնկալ:

Աշխատանքում ո՛չ վերելքներ կլինեն, ո՛չ անկումներ: Բացառված չէ, որ ստանաք նոր աշխատանքի առաջարկ. անպայման համաձայնվեք:

Առողջական վիճակը լուրջ վտանգներ չի բերի: Հնարավոր է հաստ աղիքի, միզափամփուշտի խնդիրներ: Պահպանեք չափի զգացողություն սննդի հարցում, զգուշացեք ակոհոլից, մրսելուց:

ՉԿՆԵՐ - 20.02-20.03



2024 թվականի բերած խնդիրը՝ գլխավոր նպատակներին կենտրոնանալը ու երկրորդականից հրաժարվելն է: Սովորեք զրազեղ ծախսել թե՛ նյութական, թե՛ հոգեւոր ուժերը: Կարող եք լրջորեն մտածել տեղափոխման, բնակարանի վերանորոգման, թանկարժեք էլեկտրոտեխնիկայի գնման մասին:

Հիմա ձկները պետք է զբաղվեն ներքնաշխարհի խաղաղության ստեղծման ուղղությամբ: Միայն այդ կերպ կդառնաք ավելի ուժեղ:

Ընտանիքում կարող են ծագել խնդիրներ՝ կապված վստահության կորուստի հետ: Եթե ձեզ համար թանկ է ընտանիքը, շրջանցեք դրանք եւ կգաք փոխհամաձայնության:

Իրենց երկրորդ կեսին փնտրող ձկներին խորհուրդ է տրվում՝ վստահել ճակատագրին. հիմա ուրախացեք ճակատագրի տվածով:

Առողջական վիճակը կախված է ճիշտ ու օգտակար սննդից: Ալկոհոլից, ծխելուց, վտանգավոր մարզաձեւերից հրաժարվելուց:

Պատրաստեք ՋՈՒԼԵՏԱ ԲԱՊԱՆԱՆԸ



2024-Ը 103-ԱՄՅԱ «ՎՐԱՍՏԱՆԻ» ՀԵՏ



ՀՈՒՆՎԱՐ					ՓԵՏՐՎԱՐ					ՄԱՐՏ					ԱՊՐԻԼ					ՄԱՅԻՍ					ՀՈՒՆԻՍ				
Երկ.	1	8	15	22	29	5	12	19	26	4	11	18	25	1	8	15	22	29	6	13	20	27	3	10	17	24			
Երք.	2	9	16	23	30	6	13	20	27	5	12	19	26	2	9	16	23	30	7	14	21	28	4	11	18	25			
Չրք.	3	10	17	24	31	7	14	21	28	6	13	20	27	3	10	17	24	1	8	15	22	29	5	12	19	26			
Հինգ.	4	11	18	25	1	8	15	22	29	7	14	21	28	4	11	18	25	2	9	16	23	30	6	13	20	27			
Ուրբ.	5	12	19	26	2	9	16	23	1	8	15	22	29	5	12	19	26	3	10	17	24	31	7	14	21	28			
Շաբ.	6	13	20	27	3	10	17	24	2	9	16	23	30	6	13	20	27	4	11	18	25	1	8	15	22	29			
Կիր.	7	14	21	28	4	11	18	25	3	10	17	24	31	7	14	21	28	5	12	19	26	2	9	16	23	30			
ՀՈՒՆԻՍ					ՕԳՈՍՏՈՍ					ՍԵՊՏԵՄԲԵՐ					ՀՈԿՏԵՄԲԵՐ					ՆՈՅԵՄԲԵՐ					ԴԵԿՏԵՄԲԵՐ				
Երկ.	1	8	15	22	29	5	12	19	26	2	9	16	23	30	7	14	21	28	4	11	18	25	2	9	16	23	30		
Երք.	2	9	16	23	30	6	13	20	27	3	10	17	24	1	8	15	22	29	5	12	19	26	3	10	17	24	31		
Չրք.	3	10	17	24	31	7	14	21	28	4	11	18	25	2	9	16	23	30	6	13	20	27	4	11	18	25			
Հինգ.	4	11	18	25	1	8	15	22	29	5	12	19	26	3	10	17	24	31	7	14	21	28	5	12	19	26			
Ուրբ.	5	12	19	26	2	9	16	23	30	6	13	20	27	4	11	18	25	1	8	15	22	29	6	13	20	27			
Շաբ.	6	13	20	27	3	10	17	24	31	7	14	21	28	5	12	19	26	2	9	16	23	30	7	14	21	28			
Կիր.	7	14	21	28	4	11	18	25	1	8	15	22	29	6	13	20	27	3	10	17	24	1	8	15	22	29			

ՀՈՒՆՎԱՐ. 1, 2 - Նոր տարի, 7 - Սուրբ Ծնունդ, 19 - Ջրօրհներ: **ՄԱՐՏ.** 3 - Մայրության օր, 8 - Կանանց միջազգային օր: **ԱՊՐԻԼ.** 9 - Վրաստանի ազգային միասնության օր: **ՄԱՅԻՍ.** 3 - Կարմիր ուրբաթ: 5 - Սուրբ Ջատիկ, 6 - Հանգուցյալների հիշատակի օր, 9 - Հաղթանակի օր, 12 - Սուրբ Անդրեաս Առաքյալի հիշատակի օր, 26 - Վրաստանի պետական անկախության վերականգնման օր: **ՕԳՈՍՏՈՍ.** 28 - Մարիամորա: **ՀՈԿՏԵՄԲԵՐ.** 14 - Սցխեթորա: **ՆՈՅԵՄԲԵՐ.** 23 - Գիորգորա:

Հայ Առաքելական եկեղեցու տաղավար տոները, որոնք Հայաստանում ոչ աշխատանքային օրեր են: **ՀՈՒՆՎԱՐ.** 5 - ճրագալույցի տոն, 6 - Սուրբ Ծնունդ եւ Աստվածիայտնության տոն (Սկրտություն), 7 - Հանգուցյալների հիշատակի օր: **ՄԱՐՏ.** 29 - Կարմիր ուրբաթ, 31 - Սուրբ Ջատիկ: **ԱՊՐԻԼ.** 1 - Հանգուցյալների հիշատակի օր, 24 - Ցեղասպանության զոհերի հիշատակի օր: **ՀՈՒՆԻՍ.** 7 - Պայծառակերպություն, 8 - Հանգուցյալների հիշատակի օր: **ՕԳՈՍՏՈՍ.** 18 - Վերափոխում, 19 - Հանգուցյալների հիշատակի օր: **ՍԵՊՏԵՄԲԵՐ.** 15 - Խաչվերաց:

Գլխավոր խմբագիր՝ ՎԱՆ ԲԱՅԲՈՒԹՅԱՆ

Գլխ. խմբագրի տեղակալ՝ ՅՈՒՐԻ ՊՈՂՈՍՅԱՆ

Համարի պատասխանատու՝ ԳԱՅԱՆԵ ԲՈՍՏԱՆՋՅԱՆ

Համակարգչային ծեւավորումը՝ ՏԻԳՐԱՆ ՍԻՐԱԴԵՂՅԱՆ

ԲՅՅԵՈ ՅՈՆԱՅՅԵՐԹԻ: ԹԶՈԼՈՏԻ 0105, ԶԱՏՐԵՎՈՏ ԺՅԻԱ 5,
Մեր հասցեն Թբիլիսի 0105 Գ.Աթոնելի փ. 5
ԹՖՊ. Հեռ. 2990-739, 2990-774
www.vrastan.ge E-mail: vrastan.press@gmail.com
Գրանցման վկայական № 4 4 - 1439
«ԿՈԼՈՐ» հրատարակչություն

«ՅՐԱՍՏԱՆ»
ԹԶՈԼՈՏԻ, ՆԱՅՅԵՐԹԻ
"ВРАСТАН"
Тбилиси, Грузия
«VRASTAN»
Georgia, Tbilisi
Индекс 66445